



საქართველოს რეგიონული განვითარებისა და ინფრასტრუქტურის სამინისტრო  
საქართველოს საავტომობილო გზების დეპარტამენტი

ბრძანება N 287

ქ. თბილისი

14/09/2021

**განსაკუთრებული სახელმწიფოებრივი და საზოგადოებრივი მნიშვნელობის -  
რუსთავი-წითელი ხიდის საავტომობილო გზის მშენებლობის პროექტით  
გათვალისწინებული გზის განთვისების ზოლში მოქცეული მიწის ნაკვეთების  
ფაქტობრივი მდებარეობის დადგენის მიზნით ადმინისტრაციული წარმოების  
დაწყების შესახებ**

საქართველოს რეგიონული განვითარებისა და ინფრასტრუქტურის სამინისტროს გამგებლობაში არსებულ სახელმწიფო საქვეუწყებო დაწესებულებას - საქართველოს საავტომობილო გზების დეპარტამენტსა (შემდგომში - დეპარტამენტი) Antea Nederland BV-ს შორის 2017 წლის 13 თებერვალს გაფორმებული №EWHIP-4/CS/QCBS-05 ხელშეკრულების საფუძველზე, დეპარტამენტში 2021 წლის 24 აგვისტოს წერილით (დეპარტამენტში რეგისტრაციის თარიღი: 30.08.2021წ. №27518/2) წარმოდგენილი, შპს - დისტანციური ზონდირებისა და გეოინფორმაციული სისტემების საკონსულტაციო ცენტრი „გეოგრაფიკი“-ს მიერ 2021 წლის 03 აგვისტოს შედგენილი N81.04.10.360 მიწის ნაკვეთის ფაქტობრივი მდებარეობის ამსახველი N1 გეგმის, 2021 წლის 21 ივლისს შედგენილი N1 სარეგისტრაციო ბლოკის გეგმისა და საკადასტრო აგეგმვითი/აზომვითი ნახაზების გათვალისწინებით, საქართველოს ზოგადი ადმინისტრაციული კოდექსის 76-ე მუხლის პირველი ნაწილის „ბ“ პუნქტის, „მიწის ნაკვეთებზე უფლებათა სისტემური და სპორადული რეგისტრაციის სპეციალური წესისა და საკადასტრო მონაცემების სრულყოფის შესახებ“ საქართველოს კანონის მე-15 მუხლის, საქართველოს იუსტიციის მინისტრის 2019 წლის 31 დეკემბრის №487 ბრძანებით დამტკიცებული საჯარო რეესტრის შესახებ ინსტრუქციის მე-45 მუხლის, საქართველოს რეგიონული განვითარებისა და ინფრასტრუქტურის მინისტრის 2018 წლის 7 აგვისტოს №43/ნ ბრძანებით დამტკიცებული „საქართველოს რეგიონული განვითარებისა და ინფრასტრუქტურის სამინისტროს გამგებლობაში არსებული სახელმწიფო საქვეუწყებო დაწესებულებების - საქართველოს საავტომობილო გზების დეპარტამენტის დებულების“ მე-5 მუხლის მე-3 პუნქტის „ვ“ ქვეპუნქტის საფუძველზე,

**ვბრძანებ:**

1. დაწყებულ იქნეს ადმინისტრაციული წარმოება განსაკუთრებული სახელმწიფოებრივი და საზოგადოებრივი მნიშვნელობის პროექტის - რუსთავი-წითელი ხიდის საავტომობილო გზის მშენებლობის პროექტით გათვალისწინებული გზის განთვისების ზოლში მოქცეული, საჯარო რეესტრში მცდარი საკადასტრო

მონაცემებით რეგისტრირებული N81.04.10.360, N02.04.04.777 და N81.04.10.372 მიწის ნაკვეთების ფაქტობრივი მდებარეობის დადგენის მიზნით;

2. ადმინისტრაციული წარმოების ჩატარება დაევალოს დეპარტამენტის გარემოსა და სოციალურ საკითხთა სამსახურს;

3. ამ ბრძანებისა და ზემოთ აღნიშნული პროექტის ფარგლებში განხორციელებული საკადასტრო აღწერის შედეგების, გზის განთავსების ზოლში მოქცეული მიწის ნაკვეთების ფაქტობრივი მდებარეობის ამსახველი გეგმების საჯარო გაცნობისათვის დეპარტამენტის ოფიციალური ვებ-გვერდზე განთავსება დაევალოს დეპარტამენტის ადმინისტრაციულ სამსახურს;

4. ბრძანება ძალაშია ხელმოწერისთანავე;

5. ბრძანება შეიძლება გასაჩივრდეს საქართველოს კანონმდებლობით დადგენილი წესით მისი გაცნობიდან 1 (ერთი) თვის ვადაში.

გიორგი წერეთელი

დეპარტამენტის თავმჯდომარე

